

南
潯
鎮
志

灾祥二

汪曰楨撰

南潯鎮志廿

大清順治二年大水渰禾四年大饑米石價四兩五年大疫六年二月雷雹五月大雨水溢麥無秋七年大水八年正月地震春夏大水斗米四錢五分九年大水饑十一年冬大雪旬餘大寒太湖冰厚二尺十二年二月地震六月又震秋旱蝨十三年大水饑十四年七月民間傳有妖人叫攝生魂白日呼人姓名卽隨妖人去賣與邊地又翦紙爲貓虎形夜出壓人爪傷面目居民竟夜鳴鑼鼓自衛逾月乃罷

吳陳父曠園雜志云康熙年間嘉湖二郡有狐精至鄉市皆徹

夜鳴鉦不絕稍解卽被傷如爪痕後知爲道人妖術翦紙爲狐以針爲爪晝則收之夜復呪而遣之假是以行

竊耳如是兩月餘後安疑
卽此事誤以爲康熙時耳十五年地震大水冬雷十六

年大水十七年九月霜降不殺草十八年大旱米石一
兩七錢

康熙二年五月雪大疫三年閏六月雪四年大水饑五年
秋大熟斛米二錢田之所出不足供賦稅菽粟盈倉委
之而逃百貨充斥無過問者民間號爲熟荒十二月地
震六年十二月雷七年六月地震生白毛八年夏大水
十月大燠雷雹九年正月大雪星隕聲如雷五月至六
月大雨太湖水溢禾渰九月雪十二月大雪丈餘

董漢策野老歎

庚戌年作

落葉空村鳴蟋蟀野老吞聲坐

寒日含悲三歎拙言辭歷訴窮愁淚如滴憶昔孩提
全盛時黃雲滿畝飛香秣何意陽侯鼓怒來杳杳禹
甸皆流澤雪華電發墜妖星寶曜沈埋洩雲出天吳
啼嘯乘陰風舞浪馮夷恣奔逸吁嗟乎誰召羲和開
漆室手挽熒黎免漂汨陽微陰憤如珠稱鎰江湖溝
洫較若畫一望日觀兮甚遠馘商羊兮無術老妻弱
女餒且號麥隴嚴霜淨如拭夜呼萬一迫征徭窮老
將投虎狼窟吁嗟野老且勿悲鄭公發粟出淮徐汝
欲不死休惕怵溫公不遠汝但呼君實○又漁父行
洪波原隰平町畦漸迷徑荷鋤已無家遂發江湖興

持竿往田間，愚坐朝暝。胥苟匠心成，烹鮮迺懸飴。
漁父曰：魚行有道，舉網獲鱗，誰識要妙？田父曰：吾行
我法，水流汨汨，兩岸爲畢羅，探囊唯泳沫，異哉！今之
耕者，不如漁體，不霑塗民無稅租，脫令一日田禾熟，
竊恐虎冠相刺促。○又寒江歎遊子，尋春看未足。潛
行秋水寒江曲，楓冷嘒烏秋欲醒。隱隱悲聲出茅屋，
昔年庾廩稱陳因。今年禾稼輸波臣，昨夜飛鳧下鄉
里。縣帖徵糧方取新，嗚呼悲哉！丁年如此生不如死。
天不雨粟，官逋日蹙，囊頭無米，益無春吏呼何怒？君
其問水濱狼豕，俄躑躅悲哉！農夫膺貫索，以頭搶地。

胡然而帝巖城鼙鼓催嚴霜官衙庭燎如熒煌古語
有之絲不如竹竹不如肉簷前兒女任嘵嘵堂上鼓
吹聲斷續

按是年董漢策有救荒條議上巡撫范承謨並見施行足爲後法惜未見其文不得

錄入志中也

康熙十年五月至七月旱蝗十一年春旱夏大水民竭力
厚救秋將成八月初旬忽大風雨降小蟲青黑色如蟻
蠓又如蟻有足有翅飛蝕禾稼立槁氣侵蠶種亦空民
大饑九月桃李花十二年除夕雷電十三年大水十五
年大水十一月地震十六年元日震雷大雪旱十七年
大水無禾十八年蟲災十九年大水二十一年春恆陰

麥無秋大水二十二年春久雨麥無收麥石銀一兩八錢米石八錢秋旱荒冬大寒忽暑熱雷電二十六年大水秋螟食禾二十九年十二月河冰不解三十年大水無禾三十二年二月大風霾五六月大旱九月大風雨河溢渰稼米貴民饑三十三年旱大疫三十四年大水三十五年七月大風雨次日水漲三尺餘三十六年大水三十八年霍潦傷稼三十九年旱四十一年大水四十二年三月大雷雹四十三年大水四十四年三月大雷雹六月三日龍風大雷雨晝暝四十六年夏大旱石米一兩三四錢十月四日河水暴漲石米一兩八錢匹

十七年二月大風雷雹五六月恆雨渰禾石米二兩二

錢民饑

董志作四十六年大水四十七年大旱乃兩年事互譌

四十八年四月雹

大水饑夏斗米一百八十錢施粥於妙境菴中四十九年五月淫雨五十三年大旱五十四年四五月連雨六月七月大風潮五十五年五月暴雨水溢苗盡爛五十九年夏旱六十年夏秋大旱河底龜坼六十一年七月星實有疾聲大旱冬木冰

雍正元年夏旱二年正月大燠七月大風太湖溢四年八月至十月恆雨水浸陂塘村人駕船刈稻頭饑八年五月大水十一月地震十年正月天雨豆七月大風雨傷

稼九月大風電十一年夏大旱十二年四月大雨雹損
麥十三年七月地震有聲如雷

乾隆三年旱蝗九月大風雨雹十年夏旱十一年正月雨
木冰十三年五月雨雹六月米騰貴斗米白金三錢通
判吳繼元敦勸殷戶平糶七月陳名榮接任亦如之至
八月終乃止十四年夏疫十六年夏大旱石米白金三
兩勸捐平糶十七年四月初四日地震六月初六日昏
時星竇有聲八月大風拔木久雨大水十八年春夏久
雨蟲災秋又久雨

方熊秋霖行長河黯淡秋氣蕭愁雲罨歷秋霖霖曉

來起看阡陌淹阡陌之人聚相告弟語兄曰五月大
雨新秧漂泊絲錢盈貫米一斛悍吏徵租狼虎酷父
語子曰七月久雨洪波泛瀆逋償赤手貸告難耘耔
車戽徒枵腹我聞此語已頻蹙旋見淵藪水久蓄四
野溝作渠百里陵爲谷甌窶宅草萊沮洳葑藍或君
不見去年八月大風雨白水壓岸風摧木旦晚號呼
幾三旬濤奔浪涌人躑躅今年春與夏幾次苦沈陸
際此更縣縣青苗偃芊矗况經螟蟲害枯黃一畝能
收幾斗穀老農老農拭眼對咨嗟稻花香遠空成熟
妻孥救口何暇計冬糧難免遭鞭扑

乾隆十九年水損稼二十年淫雨損麥麥石銀二兩五錢
蝗蝻生大水傷禾石米三兩二錢十二月地震

方熊粟貴歎飢驅不待時難冀秋熟早仰屋徒呻吟
奔馳心悄悄經營給半菽無計謀一飽三春雨雪飄
二麥愁枯槁夏秋捲洪波蝨螟都消耗鴻雁鳴嗷嗷
于野莫控告瀕冬米價昂不啻珠與寶所賴估舶來
應接庚癸譟側聞江南北亦復苦水潦淮徐咽吻地
鳩形時載道沿海數州縣索食散飛鳥念此心茫茫
所憂非藐小富家擁倉囤紅朽積山島高坐不肯賣
猶嫌時價少交新猶如此來秋那可到吾儕本情民

麤糲亦云好計日數錢刀量腹度昏曉土突寒無爇
沙覆塵瓦沼牀頭一斗粟八口最易了憐視少陵女
嬌癡嘒且酸哀哉陶公子何處覓梨棗傾囊笑郎罷
開篋無衫襖曷以支凶歲枵棘飢腸燒嗟彼襤褸夫
力作空茹蓼罄懸無需貯荒畝泣青草告貸諒所難
延望官庾糶

乾隆二十一年春大疫饑二月石米二千八百錢民食榆
皮草根甚有搶劫者四月石米三千四百有奇餓殍滿
道勸捐平糶五月旱十月地震二十三年夏秋大水二
十四年秋蟲傷禾石米二千四百錢二十六年大水二

十七年雨損蠶收六月旱七月大風雨積水經月二十
八年五月地震二十九年正月地震五月又震三十年
正月地震大水三十三年大旱四月雨雹三十四年春
夏淫雨連旬損蠶麥大水田禾渰沒秋無收石米白金
三兩三錢

[方蠶愁霖行]歲在屠維赤奮若吳越之邦水橫溢白
頭老翁駭且驚歷遇水災今第一一春淫雨輒浹旬
陽和黯黯春無力立夏已過小滿來踰躔又復逢箕
畢十日曾無一日晴溜聲不絕天容墨菜畦汨沒子
抽芽麥隴漂流穗垂黑桑根浸水桑葉黃葉貴蠶飢

婦姑泣心頭剜肉瘡莫醫入口螫螫縣室村毗忍
俄救新秧枯槁厯碌翻龍骨喜聞溝水退潺潺拍手
相慶好栽植豈知五月交六月大雨連旬轉蒙密銀
河落地天瓢傾長如貫絙挂千匹電光閃爍兔目盲
雷車砰訇陽景匿陡然赤地湧鯨波洶洶頻漲十餘
尺黃昏閤閤竈鳴蛙平原處處通舟楫村南村北無
完居十家九壁愁歆仄我惟擁被向壁卧如蠶縮繭
鳥塌翼倥偬最苦襋襠氓面目盡形鳩鵠色時過小
暑田未蒔那有新穀糶五月東風況復防圩沈築隄
規土爭匍匐深宵騫地人喧譁鳴鉦呼號似攻賊丁

男欲救空彷徨老農相對惟歎息去年旱魃降奇祲
禾稼焦殺屯膏澤今更大水困災黎沈溺顛連至此
極忽聞米價昨驟昂貧家無復黔我突幸邀曠典免
官租終被苦雨奪民食五行舛錯天公癡屏翳之神
獨受職誰能手持陽石鞭一掃重霾見天日

夏耀曾田夫詞

田夫耕作身家所倚賴也乃一遇水潦輒向主人誅求無已焉感而作此

農家重三時雨水宜適可今茲何太多嗟嗟愁殺我

一解

田夫動成夥語語須青蚨好辦禦水具爲主去救

二解

圩田夫一何愚衣食從何賴田夫原不愚水車照

田派

三解

斷釵并敝褐典錢付田夫趣辦禦水具爲我

去救圩

四解

踏得田中乾大暑已過矣插得田中秧立

秋幾日耳

五解

救得尚自可淹沒愁殺我側聞長興縣

萬戶斷烟火

六解

乾隆三十五年春饑三十六年十二月雷電四十五年鎮

大火東至大橋西至臧家衙北至鹽店橋沿燒數百家

堪輿一貫作辛丑則爲四十六年譌

四十七年六月地震五十年大旱蝗

自五月至七月不雨溪港皆涸苗盡槁六月石米二千

八百錢十月石米三千八百錢九月十二夜大火上塘

東至董宗伯第門前西至清風橋下塘東至三板橋西

至絲行埭沿燒四百餘家是年水皆西流

楊鳳苞催租行昨朝府帖下今朝吏捉人手持白木
版叫突東西村黃蒿空卷小家屋日晚轆釜煮榆粥
打門租吏搜糴粟老翁踰牆走老婦向隅哭鄰雞上
樹狗敲鉢○又官倉行倉垣新築三丈高中有曲房
爲遊遨笙歌酣宴夜復朝倉前朱書一行字憫今秋
熯苦車水願納五折貸爾死下厥小吏貂襜褕怒罵
稅戶同叱奴責令額外俱交輸叩頭哀告寬鞭扑歸
去賣兒并賣屋乞符鄰邑糴餘粟大旗閃閃雙門開
兩邊虎翼如雲排半醉縣官呵殿來

乾隆五十一年春大疫饑石米四千六百錢夏蟲傷禾

楊鳳苞負釜謠夫負釜妻抱兒飢驅出門何之道逢
人食人更誰知爾汝故鄉今難爰處適彼樂郊得我
所餓鴟嘯枯樹下有破垣乞食叩主門主人朝出採
榆暮歸徒手無夕飧請看冷甌生塵主與客兩相視
淚落不能止

乾隆五十四年大水五十五年大雪饑十二月雷電五十
六年大水五十七年五月地震冬無冰五十九年七月
大風拔木寒如冬

嘉慶元年正月大雪苦寒九年五月初至六月大雨田禾
渰沒者十之七斗米四百二十錢勸捐平糶

董宗海甲子端午節後大雨至六月初晝夜不絕詩
以誌之今亦太平世胡不十日雨緣何滂沱時一夜
乃尺五天道有陰晴我民何太苦陽春始負耒耜霖
霑壤土但願黃梅肥桔槔移廢圃豈知入夏來天漏
更難補義輪黯無光雷師未停鼓日夜但傾盆不待
商羊舞藻萍泛井竈魚蛙生甌甌桑田變滄海茅簷
欹遠浦衢路教褰裳濤聲喧扃戶老農豈無知罕聞
亦自古瀦蓄技亦窮疏濬力難努民曰吾其魚堯
廷非無禹安得排且瀾令民甯其宇雍燒暑溽退陽
光乃煦煦秋到始插秧秧盡何所取晚歲有良田汨

湮難勝數但聽仰屋嗟安望曾孫庾菜色憂誰分挾
續溫誰撫幸賴天子恩軫念開神府農官緩催科
小民得安堵豫爲其始謀良策藉九扈牟麥歧雙秀
嘉禾穎合吐明年大有年行看人四輔

董襄大水謠蟻封牖鳩逐婦濕雲處處壓深柳三日
五日不放晴爲霖爲潦騎月久廉纖不斷疑漏天滂
沱勢急將溢畝天目之泉奔放不少畱縱橫蒼雪難
容受轉眼禾稼場忽作魚鼈藪長鯨水面作人立瘦
蛟騰波老龍吼南阡北陌水決隄夜半驚喊村人走
鳴鑼擊鼓聚眾鄰速教捍禦防塘口雨聲鑼聲聽不

辨巨浸汪洋沒星斗野屋將齊處士肩低田漸及農
夫首翹首望溝塍青苗復何有或逐水漂流或爲水
浸朽何堪銀索尚傾盆開晴直待三庚後邇來半月
勢不退野老呼天莫措手連肩入縣報水災官吏停
徵方飲酒

〔施國祁〕積雨積雨熟梅候水勢天目壯濤聲三百里
汨沒翻海藏茲鄉實下流川灌駭排浪田苗插未半
千夫走農餉桔槔轉日夜霖霖適過當冤呼遶村急
野火照灘旺眞恐狂瀾倒隄齒不容障喻如瓠子決
竹少淇園仗一瞬化沮洳終斷秋成望蠶飢春收薄

口亟夏飽饗力竭此厄遭檢括到盆盎河復縱計日
支用已大創漫漫浙西水久並東海放常漻二十七
結葦阻沙漲垂虹七十二捲岸編艫舫尾間不以泄
乃作懷襄蕩愁絕水晶宮未免魚腹葬偉哉樂存編
石盡言言讜莫惜一勞勩溺援窮黎槍緬思李公蹟
奮發神先王

嘉慶十年春又大水麥無秋斗麥四百八十錢巡撫阮元

發銀施粥

按是年粥廠設于潯南之神墩一切條規精審詳密並足爲後法具詳張鑑所編兩浙賑

災記

十三年夏霖雨米價騰貴十九年正月初四夜訛

言太湖盜起民多驚走五月至七月不雨地生白毛禾

半槁石米五千三百錢大吏招商給以印票行文福建
州縣倉儲有餘者照福建市價派撥令商繳價海運至
浙免其關稅價始平二十年二月初旬大燠旣而雷電
大雪二十三年五月大雨雹二十四年夏旱

道光元年夏大疫二年正月大雪經旬夏旱三年霪雨自
三月至五月不止禾未插秧大半被淹六月初七日大
雨雹水勢漸退七月初二日大風驟雨水復頓漲數尺
圩田僅存者是夕皆沒太湖水溢至冬初始平官勸殷
戶捐資施賑按冊散給大口每日米半升小口減半約
五十日米石價錢四千五百次年春夏復賑大口每日

錢十文小口五文凡七十五日

張鑑題水災紀事冊
繇雨水沒頭雨沒尾
盲風兼旬吹不已
苦竹叢深日鳩語
逐婦聲高人轉哭
老魚橫飛上鄰屋
○踏車上畱田水沒
狗下溪田水漂曰三
男五女踏水車
犖犖硤硤蛻骨蛇
杷頭菌出鎌衣長
今年水腳過兩丈
○築壩螳穴漏金隄
大小理則齊屯皮
木椿須應手鳴鑼
集夫防決口白版
雙扉復何有○補
種夏至未至鵲旦
叫勤者翻被惰者
笑刺水綠鍼日夜
黃舴艋重買來山
鄉補未完雨不止
早秧遲秧一例死
○風暴五旬雨七
月風黑雲如磐龍
挂

空石飛沙走作風暴老鼉入市瘦蛟導帝遣天吳爲
 海嘯○報荒駕鶩飛飛滿四野此災百年僅見者扶
 老孥弱號縣門縣官何日行鄉村不是風潮小損稼
 搥鼓攀轅府帖下○流徙村村移家具爭櫂檣頭艇
 何許可藏身梯空羨松頂黿產黿魚入門跳珠急雨
 還翻盆○撈棺白楊樹根浪頭大破冢漆燈無一箇
 兩和已闕題字稀撈來撈去滿釣磯陽侯虐過摸金
 尉忍此萬千若敖之鬼無所歸○勘灾濕旗吹船鳴
 菰蒲魚頭小吏左右趨官來勘灾行不紆里正諾諾
 復喑喑青黃無期患煎迫茫茫殆徧魚鱗冊○天賑

梵鐘初動寺門啓 皇仁給帑復給米朝起望晨光

車輪慙碌摧肝腸道長腹餒走且僵蘆葍暮捲上北

邨

蘆葍見南史劉歊傳

○助賑常平倉空當勸分指困納粟沸

若雲春陵宰固美子敬心亦勤論升論合論錙黍魚

行蠲戴未滿宮剗肉補瘡不如稭○春熟一年無禾

猶可十年無蠶則那桑空閒斧柯絢絲不上鄰女梭

良苗懷新幸春熟交午漲痕在頽屋牆角枯桑長苔

綠

孫燮苦雨歎兩月淫霖不肯止薔薇花落鼠姑死簷

頭漏下如亂麻門外泥深愁沒履荒草滿階人不到

但有蛙聲怒聒耳幽人遣悶尋清課坐揭爛書日百
紙朝來窗隙漏晴曦衆鳥爭鳴如有喜忽然鉦鼓聞
集衆畚鍤來救圯岸圯枯槩連夜水益漲中隔一隄
僅尺咫更教數日雨翻盆眼看平隄入江水 國家

租賦仰三吳疲民力作供官裏豆麥已壞春事去惟
望秋成秔稻美皇天仁厚終愛民及此轉機禍可已

哦詩直欲叫閭闔又見西南陣雲起

諺云西南陣帶過落三寸

又平糶行平糶不予市僧權計口大小但給錢大口
十日給錢百糶米祇救兩日活小口五十更可憐枵
腹應將草根掘侵晨古廟何纍纍鳩形鵠面行相隨

官頒竹籖當符節唱名對簿關防施或作晉鄙兵符
竊李代桃僵難究詰或如告身易一醉妻兒無糧但
聚泣東風吹雨行路溼易米歸來煮糜食中田又見
菜麥壞盼到秋成那可得吁嗟乎豐年錢多盛賽會
凶年錢賴富民貸富民錢盡賑不長茫茫來日憂方
大

金錫桂勘灾行羣胥切切夜深語明日下鄉勘灾去
斂民供官不敢行那得私囊覓錢處前旌泊野塘鳬
雁相回翔髑髏如瓜破塚出隨波汨沒爭擊撞狂飈
連夜拔大木水面搖搖數間屋里正指點爲官說卽

此已是天上福其餘積塲無幾存低者及樓高浸門
鵠鷗鼓翅坐屋角亭午不見炊烟痕室廬墳墓類如
此高田低田可想矣非無足穀翁亦有多金子不住
窮鄉住城市重門擊柝禦暴客怕聽人言糶平米灾
民望勘如望歲官去依然水不退嗷嗷待食無已時
九重高遠恐未知灾狀猶聞三等施

又平糶行和孫愈愚作去年潯人糶平米斷斷界畫
分彼此今年糶米震澤人兩月以來人不分同一平
糶勞逸殊潯人何智震何愚潯人語震客止須勤編
尺一籍事既易辦費可惜安得南潯混震澤震客告

潯人我鄉地廣皆貧人人人顧近不顧遠其勢獨苦
窮鄉民果如君言定戶口依舊流民滿街走爭奪相
殺無不有吏爲攢眉官掣肘規畫井井各較然古寺
設廠何喧闐潯人大口給錢十十日一百青銅錢震
澤小口米合半彼此大小總倍算潯人十日九日閒
一人到廠餘在田震澤發米無虛日紛紛婦子如螳
密始猶數千繼數萬困廩將空歎無術傳聞索米人
太多擁擠不畏官吏呵強者在前弱者倒赫然死人
橫當道吳船赤馬行如飛擊撞檣艣爭先歸長年失
手船則覆死人愈多網不漏嗚呼斯民不來固死來

亦死忍死來爭數合米不知發米日餘幾兩眼睜睜
望田裏薄人孫君作爲平糶行其詞沈痛多楚聲豈
知震澤之人苦亦極求生不能死亦得遙望南潯尙
樂國

夏陰棠水灾行女媧煉石不可又沈沈難補蒼天漏
連絲三月雨不休水怪欺人唬白晝農夫枯槁夜繼
日急取塗泥填岸缺拋將板壁及門窗恨無萬丈橫
江鐵哀聲徧野妻孥號愁雲低羃天不高雨止能邀
晴幾日龍風又起聲滔滔水龍酣鬪橫空下倒捲波
濤向天瀉向天倒瀉勢如傾青山欲奔白石化不聞

知命避急流但見橫尸水面浮舊時打稻場寬敞而
今變作魚龍洲吾聞爲政無定法灾小灾大宜分畫
表其疾苦獻 朝廷輸民征稅酬民乏此外小惠皆
沽名勸農補種言何輕縱然穀可種地理難變更處
暑後插秧無乃非人情從來天下之溺由已溺 聖
人知之有恩實竚看朵朵慶雲飛捧出當頭一輪日
重恂七月初二夜大風作歌十日五日雨不少一尺
二尺水沒道蜚廉呿怒風姨從始猶飄塵繼偃草黃
昏漸作刁刁聲三更四更勢尤撓退飛六鷁事可驚
號怒萬竅聲空擾雨腳截住下不能飛龍倒捲空中

掉瓦片多同蝴蝶飛樹頭相併猢猻倒浪走高從人
顙過牆顙響壓雷聲小書生膽怯不禁嚇徹夜不眠
坐待曉

道光四年春大饑米石錢五千六月十五日大雨水勢驟
湧平地數尺次日始退

孫爨米價昂甚而酒肆羣飲如故詩以誌慨桂玉朝
來已斷炊得錢沽酒且酣嬉屠門大嚼喧闐甚真箇
凶年食肉糜

道光七年十二月大雪雷九年夏秋旱十年夏旱十一年
夏霖雨秋復久雨水災野鳬成羣食稻

董蠡舟秋雨歎五月六月雨不休大水漂溺連四州

江甯南昌武昌嚴州西吳雖潦幸無害東作未後期有秋秋成

其奈垂成敗十日曾無三日霽夜窗不忍背燈聽一
宵萬戶農心碎○老農歎息中夜起只恐高原亦出
水桑土被齧盡露根禾頭已沒難生耳舊穀食盡新
未登青錢五十糴一升賣絲輸稅尙未足忍飢踏車
能未能

又野鷺寒空排雁行落日翻鴉陣未若此野鷺作隊
數逾萬蔽天蝗蝻密動地風雨迅今秋水冒田禾頭
存亦僅何堪果爾腹百畝無一瞬老農徒拊膺爾生

于我浚慧非鵬能言信異雞司旦乃如金翅鳥龍子
恣吞嚙鴟梟嚇腐鼠初不爲人患涎涎音電燕啄矢知
分安卑賤爾鶩獨不然饕餮忘禍難蒼鷹飽餘粒搏
擊爾無憚一朝下霜隼毛血平原徧飢鳳九仞翔回
首爲三歎

董恂報災謠報災人互相弔今年遇災無可告報災
人轉相賀勘不成災災可作則箇切君不見山頭猛虎

身負嵎過其下者無全軀又不見天際蒼鷹張羽翼
當其前者爲所食報災人淚如漬虎不得避餓鷹驚
俯無以育仰無事一災不除一災至報災人且勿愁

君不見虎將變鼠鷹化鳩禽獸逃匿歲有秋

道光十二年饑築運河石塘以工代賑夏旱

董蠡舟乞食行澤國當秋苦炎煥有水可辱害猶淺
詎知一漑僅後枯儼若畎田耐風旱去年有 詔寬
賦租幾曾霹靂飛官符新絲不用輸并稅舊穀尚足
供朝餉旱未成災聊藉口竊幸皇天不雨久叫呼乞
食橫索錢婦孺扶攜競奔走鱗萃蜂攢踵相接千百
成羣畢入邑恣行誰復敢譙訶以旱怵人以眾脅凶
年原合食肉糜屠門一掠空無遺沸騰何啻吹脣眾
盜賊公然對面爲議卹豪家恐禍迫半陌青蚨徒手

獲但肯朝朝蒙使行轉羸夜夜當窗織命儔嘯侶相
招要寅入辰退殊逍遙蓋藏貯見金簾積暘雨翻愁
玉燭調旁觀蒿目爲三歎豈可煥休長驕悍鄉閭誼
合贍窮黎莫把貪狼當哀雁

道光十三年雨水害稼冬久雨

趙茶書感如環愁緒總無端儉歲持家事事難斗米
直須錢五百相逢不敢勸加餐

又老農歎今年三伏天不熟陰雨連縣少晴日低田
杭稻熟已遲那更飄飄半無實猶恃山田慶有秋黃
秬定卜倉箱收豈知秋分前十日嚴霜一夜飛山頭

老農朝來淚不止忍見嘉禾凍將死半年辛苦竟徒
勞功敗垂成有如此嗚呼上天視聽在吾民蒼生疾
困誰當伸側聞召杜膺薦擢彼哉長吏何其仁

道光十四年正月初二日大雪秋雨傷稼冬復霖雨

蜚蠊丹秋雨歎閏逢敦牂建申月丁亥二十有四口
一月不雨雨兩夕曉起驚看百川溢低田水冒岸莫
由高田水深沒禾頭饑饉相承農乏食踏車其奈飢
無力嗚呼皇天匪不仁致災無乃由斯民何當反樸
息機械世有淳風無惡歲

道光十五年夏旱十六年正月初五日大雷電二月十二

日大風雨雷電雹十七年正月初二日風雪雷電雹夏
旱秋久雨

孫燮秋雨絕句
桔槔長夏老農嗟恨不移田近水涯
天意亦如人反覆秋來又踏大翻車

道光十八年除夕大雷電十九年正月雷大雨雪九月二
十三日地震大風淫雨禾頭生耳十一月雷

董蠡舟一雨三旬久不雨一雨一月逾潏潏徹昏曉
潢汙盈街衢今夏有小潦插秧向沮洳植根不牢固
離披若葭蘆土化糞力厚纍纍實尤腴禾頭日加重
欹側不可扶遭風皆偃仆一望千畝俱及茲盡淹漬

何啻沈江湖豈僅患生耳得無潰爛虞吳中近生螟
立見稊稂枯豐歲忽成災民氣何由蘇我雖乏負郭
三歎爲踟躕

道光二十年夏久雨二十一年春大水秋霖雨大星實于
西南有聲如雷十一月大雪爲災平地積數尺

孫燮雨中作自從哉生明至于月下弦中間二十日
簷溜何曾乾百草多爛死豈惟惜花殘湖鄉生計薄
所恃蠶與田平田在水底菜麥已蕩然矧茲蠶月冷
竊恐妨三眠衣食源並塞廉恥道欲捐側聞徵稅早
鄉氓咸詈官豈知急軍餉爲官良獨難腐儒志四海

活民手無權殷憂在局外作詩但籲天詩成天又雨
霽急如迸泉

董蠡舟仲冬二日雪至五日未止作大雪歎百歲老
人未見此大雪四晝夜不止深埋馬耳沒牛目飄瞥
朝來還未已同雲一罅開朝陽瘦日如月寒無光曾
冰裁裁泥滑滑出門咫尺皆太行今歲穫遲緣雨久
收餘什一猶棲畝及茲壓損委泥沙待得雪消復何
有君不見牆頽井塌屋半傾路有凍死尸縱橫元戎
帳下方歌舞誰念鐵衣屯戍兵

道光二十二年六月戊寅朔日食既陰雲不見晝晦久雨

二十三年七月旱螟食禾饑

孫燮秋懷頻年淫潦災水漬禾根爛今茲逢歲稔農人待飽飯秋後螟忽生食心人不見漸漸苗葉黃偃仆過一半眼看又災荒官糧何由辦繫予守硯田感此輒三歎養性如養禾詩書爲溉灌邪說一以蠱志識爲之變豈獨苗有螟人心螟食徧○一日復一日涼飈忽然至一年復一年故家有時替我生乾隆中民物極昌熾此如盛夏暑中已含秋意禍始甲子災先秋梧葉墜從此災相仍淫雨連歲歲其間最甚者辛卯與癸未近復苦用兵征輸民愈匱閭里舊富家

十不存一二造物忌滿盈繁華有顛顛百年大春秋
俯仰盛衰異誰能戒履霜預爲卒歲計

道光二十四年冬久雨二十六年六月十二夜地震二十
九年淫雨大水田禾盡沒米石錢五千六百民屑榆皮
爲食有雜以沙糖者食之輒斃施賑大口每日給錢十
二文小口六文自七月至次年三月凡二百六十餘日
七月係散賑八月設局殷富典車及鋪戶捐賑九月至
十一月係大賑十二月至三月仍係捐資助賑共捐錢
五萬餘千散賑者不在此數七月二十四日張王廟發賑人多填咽
忽金光眩目聲若震霆自相踐踏死傷者八十餘人三
十年春饑米石錢六千

咸豐三年三月初七夜地大震冬雨木冰四年夏霖雨十
一月初五日申時河水忽漲起尺餘溝渠池沼皆然北
柵尤甚少頃卽平東至吳江西至長興並同此異十二
月初三夜半大火自清風橋起西至壽星街東至通判
署頭門北至天帶橋平明始息沿燒數百家五年火災
頻起東柵尤甚六年大旱蝻五月十一日午刻大火自
大橋灣起沿燒西北柵凡數百家十二日南柵又火十
六日東柵又火是年水皆西流大饑米石錢五千七年
春米石錢五千八百夏蝻復生悉入水自斃或化爲蝦
秋風雨損稼米價復昂如春八年三月初二日賭匪沈

榮吳士奇吳長林及錢榮莊在東柵械鬪放火傷人罷
市數日夏薪米價俱騰湧

按國朝以來凡遇灾荒必有蠲緩但府縣冊籍
無從檢攷民間記憶難真故悉不載

農桑一

汪曰楨撰

南潯鎮志廿一

農事總論

張時良撰

文獻稻性宜水不黏者謂之杭

杭之小者爲秬農人于正月畢歲事二月治圩岸三月
選種浸穀立夏蒔秧四月刈麥訖遂墾田已而插青用
桔槔灌田早入潦出四月望至七月謂之忙月富農倩
傭工或長工或短工佃農通力耦耕日伴工是後耘耔
糞溉各以時無敢離畔處暑行根綻穗苦旱白露花苦
風秋分稻秀苦雨九月刈禾是月築場藝麥豆子婦竭
作亦謂之忙月十月治穀米往時穀旣登富農供惟正
外得高廩蓋藏以備凶荒佃農輸租大家稍貯以給春

作近來佃農奸頑將田中稻穀先時礱舂或趁新貴糶或投典賤質妄希貿易以博利甚且不安分以圖事又或于春夏時告貸富室獨租米遷延日月藉口歲歉收薄冬盡以礱頭糶穀約略半償官司催科甚急告追每置不問於是田主稱貸糶米上廩而田主病佃戶貸米以延須臾之死質糶以作不急之務其後貿易折閱息利倍加自此逋負益積而佃丁又病兩者交病在當事者立法以導之也○董世甯烏青鎮志稻之名類不一舂之早熟者曰早稻其偏種者曰秔稻又曰晚稻糯種亦有早晚間有種者僅堪釀酒屑以食而非小民終歲

之需場功既竣遂于田中起棱藝麥小麥磨爲麪糲麥
無芒色黃可作飯及餅餌蒸之成燒酒率雜種之明年
并菜豆俱收總呼爲春花播菜豆麥訖勤者治田塍不
惟便於擔泥壅稻亦以一切損苗之蟲生子每窟於其
內故歲於農隙剗削草根另添新土誠殺蟲護苗之良
法也老農云禾歷三時故稈三節三時氣足則穫自厚
吾鄉種田例在夏至前後所歷二時而已計惟下秧極
早可補事力之不逮穀雨浸種立夏前下穀稍備春氣
至插青之日秧老而苗易長且耐風日古云秧好半年
田非謂是歟嗣是而插青而耘盪訖於穫稻其間人事

節次歲以爲常○張履祥補農書凡農器不可不完好不可不多備以防忙時意外之需糞桶尤甚諸項繩索及蓑簑斧鋸竹木之類田家一闕廢工失時往往因小害大○沈彤震澤縣志無產者赴逐雇倩計歲而受直者曰長工計時而受直者曰短工又有佃人之田以耕而還其租者曰租戶少隙則又計日而受直爲人傭作曰忙工○朱國禎湧幢小品近年農夫日貴其直增四之一當由務農者少可慮可慮○董恂南潯志稟邇來農人多舍本業而營分外以恃強挾詐爲能春花懶於戽水久不復種田功亦鹵莽滅裂每入市則茶寮酒肆

雜坐喧闐此習於游惰之明驗要亦人心風俗之憂也
施國祁居之東鄉有老人年七十餘嘗過子閒談蓋
隱於農者也然少不澤于詩書得自天性其論說頗
中冑綮亦奇矣因爲五詩以述其意農子恆爲農才
名天所忌生兒挂門戶姓字麤當記兒年已勝衣會
就邨師肄三載省仿帖約略得筆記急呼兒勿往改
裝穿犢鼻阿父今老大蔗蓑正不易荷鋤替耶耕田
園將汝寄邨師訝見勸小子實偉器何不與卒業青
紫非難事俯首謝先生敦勸誠古誼不見東家子少
慧頗聰異晚爲儒冠誤素業竟淪棄西鄰賣菜翁畎

畔盡勞勩蠶桑利三倍多金買田地力田久無科司
命豈余畀或聞秀才家未必知書義敢教兒負心貪
天幸非冀○富貴不長保所願子孫賢力耕生計拙
飽暎得天憐東頭膏腴產祖父假種田帑金論估值
豪奪占利權當其全盛日北阡連南阡禾疇塞關右
竹畝封渭川稅率巨量收坐入累萬千催租來悍僕
中人見笞鞭貴家不旋踵籍沒爲贓園富家不轉瞬
揮手當博錢華侈今安在飄忽如雲煙而我佃田者
曝背日高眠瓦盆可酌酒敗絮聊遮肩祖父不長世
及身方盛年顛倒十易主貿鬻多變遷桑海成小劫

咄咄豈關天多藏而速亡倚伏理自然○聞昔渠田
廢越人供稍入矧茲泥塗鄉水芸利卑濕嗟嗟水芸
苦夏畦病堪泣秧抽草復長荼蓼徧原隰非無迫地
鋪延蔓破艱澁非無燒薙湯深根鋼潛蟄摧拉盡陳
亥惟賴厥指十挾剔糞壤中膝屈不得立炎日赫如
火遮頭一小笠新苗利若刀掩脛一破褶淤暑塞溝
塍斷續氣吁吸有時中毒虺血流和汗汁歸來頭搶
地面槁色於邑庶幸稻有秋輸租食餘粒我農二生
計命薄太危急漢廷水火詔此語未傳習陸氏耒耜
經此事或搜輯○馮煖能市義高風卓已邁居貧到

立錐大苦是逋債慨我農家流往往中機械劑券論
手實取攜意頗快錢多市魚肉侈味捐蔥薤牀頭一
揮盡始覺天地隘生涯太局促計窮鳥翮鍛畏見催
租客低眉受睚眦富人心計精科掠算纖芥薄儲倍
稱息那足供嚙嘍前年杼軸空今年兒女賣剜肉爲
醫瘡吁嗟甚矣憊終老效梁傭無家可救敗莫謂尋
常有小毒等蜂蠆三邨出大戶十室久遭壞願言稱
貸者休忘前車戒○木棉古貝草繭實抽細纊烏涇
始移植海墻稱奧區詎意崖州種流傳徧三吳鳴蟲
乍驚懶責功問妻孥大婦頗能力擗彈操弦弧小婦

復習勤紡車轉轆轤機杼誰者工堂上煩阿姑晨妝
不暇理髮亂如蓬枯凍手不暇洗或生皸裂膚三冬
勤夜作同巷戒偷懦計日成丈匹抱質權青蚨去歲
實窘迫翦落償官租今年差可保鹽豉或所需餘布
尚尋丈爲夫作新襦農家重蠶績業此從古無疇將
南邨攷補題松雪圖

揀種穀 〔許旦復農事幼聞〕嘉禾登場之後取穀之圓綻
飽滿者留爲來歲之種穀有秔有糯有秔之中又有
赤稻白稻之分赤先熟白較後秔稻我湖山鄉爲多下
鄉甚少其熟較早一月俗所稱黃秔也糯稻我鄉種不

甚佳未能粒粒通變惟金壇溧陽所出爲最穀旣揀淨
編稻草爲畚懸之梁間取其風燥不霉壞也大抵田一
畝需穀種四升

墾冬田

農事幼聞耕田之具曰鐵搭有四齒長尺齒末

闊者以墾田齒末尖者以蒔地有作偃月形者以鋤草
冬月刈稻後卽將田墾轉以深爲貴至來春二三月重
加翻努謂之鈔田總欲其土地細碎得水融和也有冬
不及墾直至插秧時爬轉者曰笊帚田以稻本尚畱也
雖已墾而未加鈔者曰鑊蓋田以土片大如鍋蓋也此
情農所爲良農斷不出此

種春花

農事幼聞油菜小麥謂之春花自吳郡以東地

高種麥爲多我鄉窪下種菜爲宜刈稍之後墾田爲高
校旁界小溝或撒麥令自出或栽麥苗若菜則必取秧
培種種後俟其生發用包鐵木鏟再濬其溝卽以土壅
菜麥旁一取溝深雖乾不致大傷一取溝底泥肥也然
必春雨不多得以頻加厚糞結實始繁○烏青鎮志歲
旣穫卽播菜麥春中則摘菜薹以爲蔬仲夏春菜子以
爲油刈菜其以爲薪磨麥穗以爲麪雜以蠶豆並名曰
春熟○邢典書城雜著麥種須揀成實者棉子油拌過
則無蟲而耐旱宜肥地土欲細溝欲深種欲勻喜糞春

間鋤一徧收子多若三春有雨入夏時有微風此大有之年也初種忌戌日以灰糞拌種妙○補農書農叟有言麥歷四時故耨四節種麥必使四時氣足則收成厚吾鄉種麥多在立冬後至夏至而收所歷三時而已中秋前下麥子於高地穫稻畢移秧於田使備秋氣雖遇霖雨妨場功過小雪以種無傷也

收春花 農事幼聞菜麥之熟在四月底正蠶忙時每未暇及此然梅雨將來稍遲恐不及刈矣諺云打稻奪麥甚言以速爲貴也收菜卽就田中拔起以大桶擲取其子若攜歸至家則殼燥子裂遺棄滿路矣麥則刈取後

就家中曬乾築取其粒或陰雨連旬麥未乾透則生小黃蘗顆粒每至霉變○書城雜著麥熟時帶青割一半合熟割一半蓋麥熟同時不比別田熟有先後若候齊熟一遇風雨必致拋撒卽載歸曬乾恐生蛾密密苦蓋以防雨不及載則坡下苦之乘晴明旋刈旋打揚籽粒收起卽未淨俟所收打過將稻再打○補農書油菜防盜取以牛糞入潭作爛澆之則菜臭而人不偷矣

浸種 書城雜著早稻清明節前浸晚稻穀雨前後浸用稻草包裹一斗或二三斗投於池塘水內缸內亦可晝浸夜收不用長流水難得生芽若未出用草蓋之浸三

四日微見白芽如鍼尖大取出陰乾密撒田內糯稻出秧較遲浸八九日如前微見白芽方可種撒時必晴明則苗易豎田須犁耙三四徧青草或糞穰灰土厚鋪于內禽爛打平撒種肥而易旺

撒秧穀 農事幼聞秧田必自爲一區四圍護以高塍或桑地梅雨驟溢可以厚乾無損若一浸入水中則田圩縱能車救而秧種已無有矣始撒須微水將田犁平如鏡穀種勻糝其上隨加稻灰頻頻灑以薄糞其初出細如鍼所謂秧鍼也長及尺便可取種矣

董恂播穀樹頭催耕鳴東作又相促邠風詳農事其

始重播穀譬如吾儒行端在慎初服力不墮始基建
秋乃成熟無使雜稊稗良莠恐同蹙不辭選擇勞佳
種辨種稂散置方罫間四布如星簇雨露十月滋短
鍼排一絲插需秧扇開霑體更塗足何待病夏畦卽
此已顛訇吾儕食於人飽食未知福請共操豚蹄滿
篝替渠祝

貸米

紀磊沈眉壽震澤鎮志耕時貸米於富戶至冬償
以米其息甚昂有一石償二石者謂之轉斗米

董蠡舟潯溪權歌販米商船邪許呼年豐價尚貴如
珠火船儲粟嗟餅罄貸得豪家轉斗無

船尾炊爨處
俗謂之火船

董恂潯溪糧歌米憑轉斗接青黃加一錢多幸已償
二月新絲五月穀爲誰辛苦爲誰忙

插秧〔農事幼聞〕芒種爲插秧之候其率先者謂之開圩
早則上水澇則出水水以尺爲度不令過滿將前時已
墾且鈔之田又用鐵鍬細細斫碎令全無塊壤然後下
秧必界以繩謂之秧界繩每一界爲一埭埭約廣三尺
種秧六窠層層相次每層前後約空八寸謂之段下秧
之人須步步倒退腳踏段中空處不令插秧處有高低
淺深庶秧得均勻分布埭之多寡視田之廣狹分段布
秧太密不得亦太疏不得密則慮秋後熱傷疏則地有

遺利也○烏青文獻拔秧洗根去泥揀出稗草趁天陰晴急忙蒔插稈行宜直以便耘耨淺插則易發稗與秧宜辨葉上光滑色微黑者爲稗葉有鋒芒色微黃者爲秧○漣川沈氏農書種田不在乎早本處土薄早種恐生蟲其時有水則芒種前後插蒔爲上若早年車水便到夏至也不妨只要倒平田底停當生活以候雨到雨不到則車種須一日車水次日削平田底第三日插秧使土中熱氣散盡後無出蛀之患而墊底尤爲緊要墊底多則雖遇水大而苗肯參長浮而不至淹沒遇旱年雖種遲易於發作平底之時有草須淨盡如削倘種時

先有宿草得肥驟與秧未活而草已滿拔甚費力若插時拔草先淨則草少工省○又湖州水鄉每多水患嘗見沒後復種秧俱大收穫比前倍好萬一遭此須設法早車買苗速種立秋前可種若遇天氣老晴熱氣尚盛便過立秋幾日尚可種種下只要無草不可多做生活尤不可下壅下壅工多則苗貪肥長枝枝多穗晚有稻無穀戒之

方薰插秧霉風吹平時霉雨時飄忽蠶桑幸已了插種因時急努力早開畦丁男趨遠陌縛秧如束薪插秧如拱揖俯首躬復偃退縮踵相接布置龜手披芊

縣雁行列疏密縱橫間一一從繩直豈不惜辛勤時
哉不可失伊始不竭蹶那望秋秀實有年良在茲也
勉勤栽植

撩草揚田

農事幼聞插秧後月餘草生苗旁以手撈取

其草卽搓成團踏田間取其爛而滋益苗根也撩草之
度或一次或二三次總視草之多少爲斷此後則揚田

矣

揚吐浪切或用
盪字俗作撈非

揚杷之制板長尺半首廣二寸末廣

三寸板下勻排鐵釘五層作微彎似鉤勢上裝竹竿抽
曳往來于苗之空段間令草根盡起不致復生

耘田

農事幼聞揚田就空段間抽曳之而每層六窠之

中間或生細草則揚所不及也故又加以耘之功耘者
膝跪行於苗間兩手匍匐而前細剔苗根之草慮苗葉
傷其膀編竹片爲簾縛兩股間謂之耘田馬蓋揚則橫
推耘則直攏一縱一橫事交濟而功遞密也然揚立而
耘跪又當三伏烈日中農夫勞悴無過斯時○沈氏農
書今日拔草明日卽要橫鉏當使草嘗無處著腳計小
暑後至立秋不過三十餘日鉏盪耘四番生活鉏一盪
二耘一
均勻排定立秋邊或盪乾或耘乾必要田乾縫裂則根
派深遠苗幹蒼老結秀成實水旱不能爲患矣乾在立
秋前便多乾幾日不妨乾在立秋後纔裂縫便要車水

蓋處暑正做胎斷斷不可缺水水少卽車直至斫稻方
止若值天氣驟寒霜早凡田中有水霜不損稻無水之
田稻卽秕矣○書城雜著揚稻後將灰糞或麻豆餅屑
撒田內用水耘去草盡淨近秋放水將田泥塗光謂之
煇稻待土裂車水浸灌之謂之還水穀成熟方可去水
或遇天少雨急鋤一徧勿令開裂俟天興雲則澆肥糞
待雨勿致缺水則稻發不遏

紀端耘田歎所居在邨南田間去數武閒從讀書暇
溫詞叩田父田父前來言耕田耘最苦日曬背欲皴
蟲齧血成乳蹲身苗葉中氣咽不得吐微風搖綠涼

其銛能割股苗草不兩立草勢強如弩一耘還再耘
尚嫌功莽鹵竹馬將壁懸培壅自此甫去年水旱時
六月無滴雨今年雨如澆水深魚可罟昨夜湘江船
餅價等于土余家亦世農舊有農桑譜不聞田父言
那悉苦難數胡爲今之人還賤穀之五

下壅 農事幼問草旣淨後加以肥澤之功謂之下壅富
家多用豆餅椎碎成屑勻撒苗間貧家力不能致餅則
用豬羊欄中腐草當暑天臭穢不可近將桶貯之挂於
項下胸前兩手撈取分擲周行田間必勻必徧或有捲
取水草作爛成泥更有用蠶紬灰糞者他處山田水冷

則用石灰亦有用馬牛犬豕骨豬毛雞毛及頭髮者土性不同不必以之繩吾鄉也○徐獻忠吳興掌故集下糞不可太早太早而後力不接交秋多縮而不秀初種時必以河泥作底其力雖慢而長伏暑時稍下灰或菜餅其力亦慢而不迅疾立秋後交處暑始下大肥壅則其力倍而穗長矣○烏青鎮志下接力都在處暑後做胎及色正黃之時倘苗茂密度其力短俟抽穗之後每畝下餅三斗以接其力亦有未黃先下者每致有好苗而無好稻○震澤縣志在昔餅之直賤計其費率與藁相當今餅直視前日增藁之直不能與之相當故農人

益苦

按今稻草價亦日昂蓋由於此

張海珊說糞

溫也癡以摻糞圖屬題因作此

凡田有厚薄土有肥磽

皆緣糞氣爲美惡糞以柔之無彊藥糞以壅之無輕
喫薄使厚過使和糞之利益宏哉凡糞載於周禮雜
見於諸家種植之書糞之類或以馬骨牛羊豬麋鹿
或以禽獸毛羽或以腐橐以敗葉以枯朽根莖或以
繅蛹汁以溝瀆泥或以人洩及牛豕洩其類猥以賾
凡人洩爲大糞餘爲雜糞苗糞爲蠶豆爲大麥草糞
爲翹羹陵茗爲苜蓿爲苔華江南水田冷宜火糞江
淮迤北宜苗糞凡制糞多術有蹋糞法有害糞法有

蒸法有釀法有煨有煮而煮尚矣凡置糞處或爲池或爲廁懼其露也爲之屋懼其滲也爲之甌檻凡用糞有時與法用之未種先曰墊底用之旣種後曰接力不得其時與其法則枝葉茂而實不繁糞過多則峻熱而殺物凡糞具有畚有帚有杓有瓢杯載糞有划船有下澤車凡糞蟲有蠹有蛄蜣

車水 農事幼聞水車之制絕大者用牛牽盤以運軸或三四人立而踏轉之更有用風帆以轉軸者其小者則一人坐而手搖之吾鄉並不經見吾鄉之車兩人坐而踏轉之最爲適中車用方木長二丈餘下排短檔二十

四以連屬車牆

亦曰車箱

兩牆相去約廣尺深八寸中用鶴

膝銜接爲轉捩間以木片謂之車柿

音肺

柿之廣與長視

車牆車尾有小軸車前橫大軸軸有齒十二鶴膝貫於軸上隨軸轉動挈水若建瓴誠旱澇之利賴也旱年上水人各自爲主澇年出水則合圩共舉謂之大棚車車之多少視圩之大小備車之人辦糧佔地曰車埠頭分衆戶田畝以屬之每舉工六日爲一程喚所屬者到工遲誤則有罰當緊急之時軸頭置紡線以記轉數番數小軸上聯以繩以較彼此遲速彼繩屢爲此絞斷則彼宜有罰罰以酒其有外圩人來者放重其車每以此侮

之亦一敝俗也

孫變桔槔行工人製器何奇絕輪轉水中使水逆軟
浪千層欲上梯白光一道如翻雪中田土燥苗半槁
赤日行天午更熱農人雙腳踏轆轤絕勝溪濱一餅
挈有機事者有機心漢陰丈人誚其譎豈知利用本
前民不爾禾苗那可活俯仰全憑人力引勞苦何如
牛服輓只愁百畝地皮焦難顧千夫脛骨折收得盤
中米一粒農夫汗費幾升滴舉頭望雨雨不來夜半
猶聞聲軋軋

除蟲

農事幼聞三伏苗長之時有青翼蟲生其間形細

如粟而頭尖謂之蠓蟲多則令苗悴除之之法菜油熬過用小竹管吸油滴田間一人從後用竹板打油水上苗蟲聞油氣則死秋熱過甚或兼毒霧連朝則生黃翼小蠅遺子苗本上卽生蛀稈蟲能食苗使矮除之之法用缸貯水置田塍夜炷火其中蠅望火光撲入卽渰死庶杜其生子之患總之苗喜透風有風處蟲口較少道光二十三年我鄉曾遭此患竟有通畝枯稈無升斗收成者惟沿塘透風處得無恙若蝗蝻爲蝦子所化漫空蔽野絕無備禦之策惟祝天連日霖雨則此蟲穀不得脫濕漲而死矣○陳芳生捕蝗考飛蝗見樹木成行或

旌旗森列每翔而不下農家多用長竿挂紅白衣裾羣逐之又畏金聲砲聲聞之遠舉用稭草灰石灰等分細末篩羅禾上蝗卽不食蝗最難死初生如蟻之時用舊皮襖底蹲地擱搭應手而斃且狹小不損傷苗種蝗在麥田禾稼深草中者每日侵晨盡聚草梢食露體重不能飛躍宜用笕箕栲栳之屬左右抄掠傾入布袋蒸焙炮煮隨便或掘坑焚火傾入其中若只瘞埋隔宿多能穴地而出蝗有在光地者宜掘坑於前長闊爲佳兩傍用板及門扇接連八字排列集衆發喊推門趕逐入坑又於對坑用埽帚十數把見其跳躍而上者盡行埽入

覆以乾草發火焚之然其下終是不死須以土壓之過
宿方死陳龍正曰蝗可和野菜煮食見於范仲淹疏又
曝乾可代蝦米然西北人肯食東南人不肯食亦以水
區被蝗時少不習見聞故耳崇禎辛巳嘉湖旱蝗鄉民
捕蝗飼鴨極易肥大又山中人畜豬不能買食試以蝗
飼之其豬初重二十斤旬日肥大至五十餘斤○志橐
澇年穫稻過遲每爲野鴨所食千百成羣所下之處稻
頭一霎而盡亦以金聲砲聲驅之

刈稻 農事幼聞刈稻早或九月底遲亦不出十月蓋禾
稼之成資乎霜露霜太早則粒不能實霜未至則稈不

得枯故必俟霜降之後其所持以刈者曰稻鐸刈稻乾
田爲易濕田爲難既刈後將稻橫卧於四柱木棧上以
便紮縛成箇名曰達車既成箇分張於三肘竹架上名
曰翹籩亦作喬并風戾日炙乾後乃任負以歸東鄉田高無
須竹架竟置禾田中亦能趨燥我鄉則非此不可

孫燮刈稻行金風一夜吹郊墟旦日刈稻人爭趨祝
融肆威奪民食努力斂此枯槁餘去年刈稻稻滿屋
今年刈稻僅數斛卻喜官糧尚可供餘粒那能飽饘
粥簸之揚之如汰沙穀中荑稗何其多少米上倉不
中式卒逢吏怒當奈何朝廷卹灾吏橐滿富民出錢

征可緩揀選好米輸官倉偏是貧家田耐旱

薈

農事幼聞打稻用木牀竹棧兩手舉而擲之穀自

纍纍而下旋用風車扇去其芒芒謂之穩亦有用圻者
取和灰泥以塗牆則經久不裂穀既扇淨乃就薈以
堅木爲之上圈鑿直齒下畔鑿橫斜之齒令上下齒相
齟齬薈上搭直檔曰大桁旁加橫檔曰小桁四五人扶
其檔而牽曳之穀自脫而米不傷其殼謂之薈糠再用
風車扇去薈糠間有碎粒曰糙糲亦扇去之然後入大
篩以篩之初上直落篩後上圻篩總以米淨穀除爲高
手第一番所出之米謂之頭鋪米篩後重上薈者謂之

二鋪米並以自食及糶錢并以償轉斗米最後所出多零星碎雜青腰白臍之屬謂之結礬末鋪佃戶完租大率皆是物也

上國〔農事幼聞〕舂米之器或用木曰或用窰曰而窰曰爲勝其用石曰兩人舉石杵雙碓者西鄉間有之我鄉無有也木爲曰牀牀上有杵曰曰箠亦曰曰跳足踏以舂米白則以小篩去其糠粃或一舂卽止謂之大一釐或篩後再舂則米愈白淨謂之雙糙他處有三糙四糙者亦吾鄉所無也繼乃紮稻草爲圈每圈高約二尺層疊增高名曰囤先用菜葉麩皮裹以稻草紮縛成團高

數尺植立固心曰發頭然後將米入囤旬日後發頭蒸熱濕氣上冲急用礬糠隔麻布腳袱以收之隨濕隨換務收盡其濕而後止則米黃白停勻不霉不蠹所謂冬舂米也至山鄉和米則蒸穀而礬之蘇松等處則徑食白米並不用上囤與吾鄉不同○志橐有用石灰燒酒滾水入發頭內則一二日卽蒸熟數日卽開囤名曰發極冬舂倘開囤稍遲米卽黑爛市肆每用以攪入冬舂鬻之○鄭元慶湖錄蒸炒米與冬舂黃米皆取其脹耳嗚呼吾鄉人豈樂爲此哉農夫終日勤動朝饔夕飧若用白粲須得二升猶不足以果其腹故不得已而爲之

計冬春蒸炒日食升許足矣明知自欺以儉其口腹土瘠民貧吾鄉爲甚上而杭紹下而蘇松皆不然也

紀端春米謠茅舍雞鳴聲未絕踏凍呵冰行似撻三竿日出主人眠鐵鎖重開寒氣冽朋儕絡繹步碓連雷電訇然半空徹汗雨翻成六月天毛孔濕盡淋漓血竹籃冷放午間糧黃莖鹹蘗焦飯咽長槍箭子不記名九轉筵勻浮白雪杵成憑取小紅籌南陌西阡各異轍晴月吳歌犬吠歸黃昏風雨煤燈滅入倉收蓋價當酬主人嗇客青蚨折寄語東家紈袴郎食時五觀涪翁揭

董恂舂米謠鉤鎌已歇耒板鳴吹來耳畔多舂聲穀
皮簸蹂飛作蠱穀實潔白精華呈甕儲計穀一年食
餘以釀酒來稱觥我雖無田不耕作一餐也費千香
杭去年歲歉不得米今年盼得糠星明舂歌自朝達
夜半倉箱料得多桑盛記曾讀易攷厥制斲木掘地
勞蒼氓今易以瓦較便利沈郎捉搦歌堪賡有言赤
冀始作此或毀或糲當持平舂揄之說出大雅舂人
亦列周官名舂成曰粳否曰糲一般免我飢腸撐弟
兄能容亦斗粟那須婢繫求其精我歌未終曲人有
嘲儒生道儂飽食太平飯只解軟語歌嚶嚶君知舂

者樂不識春者情一田所出米有幾其半輸卻官家
征外此私債償敢冀畱餘贏嗷嗷俯仰間日暮無朝
烹古人之樂以歲卒今人捫揣多拘倖倘得歲云熟
民物猶咸亨自逢洪水災呼癸還呼庚棉衣脫卻質
庫去一身博得飢寒并宿逋未了又新券補瘡剜肉
難兼營今年縱得春春罷還怛怛一朝催租來盆盎
俱爲傾那有升斗儲可以言豐盈不然捉卻官裏去
蒲鞭一一飛黃荆我聞斯語悲不覺心爲驚無米不
飽有亦同嗟饑卻不關西成女貧苦爲他人嫁男貧
亦爲他人耕可憐童子鴻賃廡愁回縈娛親已乏伯

夷粟遺母復少君子羹硯田食破不得飽粃糠意氣
空縱橫請停舂者相聽我歌淒清不必垂紳侍享佩
白珩亦不必鳴鐘列鼎開千甞但願家家十斛收自
多喧舂不斷聲鏗鏗稻堆已比屋更上糠積亦將山
與爭君不見昔日越王舂米處糠頭畱得勢峻崢

完租

志彙江南完租並佃戶送至業主之家吾鄉無此
例必業主乘舟至鄉量取至豐之年每畝不過一石左
右稍歉卽減有僅三四斗者又或歉歲緩征官不開倉
則租無顆粒然漕糧分三年帶征而租米不收永無帶
征之事也○烏青鎮志賃田以耕之佃戶向時人尚謹

愿除實租外

照田根立券者曰虛租有預議折實米數不論水旱者曰實租

視豐歉爲

盈縮年來姦猾成風順成之歲且圖短少小涉旱澇動輒連圩結甲私議納數或演劇以齊眾心或立券以爲信約偵有溢額者黠者遂羣噪其家責以抗眾不則陰中以禍是國家以旱澇爲憂而姦佃反因以爲利也懲難此風則公私並受其福矣○吳興掌故集湖中收租斛視常有加至三升者其俗大率收租極大納稅名官斛糶冬米極小習俗已成不以爲異見夷堅志載湖州沈二八用大斗量租爲陰司所錄其理或有之然則亦可警矣其間豈無公平識達之士變易其風者乎

趙葵溫氏母訓跋

節錄

陸太夫人言買田收租是儒家

捷徑良方不廢清修不染市道以今日論之則業主
佃戶莫不以狙詐相尚實與市道無異而清修亦斷
不能無損此誠陸太夫人所不及料而余則深有感
於人心風俗之遷流矣

施國祁收租卽事日斜阻邨西勞面巖風酷投止南
榮下寒氣誰囑疇田父有好懷泥飲招近局甕頭杜
茅柴味澁勝醢醢何以侑吾觴薑紅間齏綠充腹得
芋魁滿盤堆紫玉情親失行次被肘膝屢促更呼舟
子來分炙色亦欲飢走體不溫頓令噓春旭人生奚

必爾一飽萬事足。○破屋稀煙鬻寒鄰。少雞狗所遇
非丁男。惻惻倚孀婦。緼膺行百結。懸鵲不覺醜。見我
入門來。苦語何啻嘍。耳熟故夫言。君家多積負。甕米
瓊之粒。量入聚于斗。惻然顧荒廚。輒乏數升糗。薄藏
其餘幾。拾橡不救口。折券古非難。虐取天所咎。錯莫
一長吁。揮袖出門走。那得糜暖場。爲渠租數畝。
董恂邨田詞。又爲登高把一樽。追呼聞已急。前邨儂
家只有租。出在不怕如狼吏。打門

蠶事總論 胡承謀湖州府志 治蠶始於護種。終於收繭。
縑絲而中間時寒煥。慎燥濕。節飢飽。視慈母之護嬰兒。

殆有甚焉而其所賴者專在于桑其樹桑也自牆下檐隙以暨田之畔池之上雖惰農無棄地者其名桑也不曰桑而直曰葉其有餘則賣不足則買胥謂之稍葉稍有現有賒其不能者或典衣鬻釵釧以償之或稱貸而益之或其時蠶多葉少而無可稍者則不得已屑米粉糝葉以飼之採柘葉以充之然且飢飽之不節燥濕之不均寒煥之不時則蠶往往至於病而死而蛇鼠之耗蠅蚊之毒乘間抵隙每爲人力所不及防蓋有功敗于垂成禍生于非望者又不可勝數矣○湧幢小品凡蠶之性喜溫和與惡寒熱大寒則悶而加火太熱疏而受

風蠶房宜卑卑則溫蠶簇宜高高則爽又其收種時須在清明後穀雨前大起須在立夏前過此不宜也至於桑葉尤宜乾而忌濕少則布浥之多則箔晞之能節其寒煥時其飢飽調其氣息常使先不踰時後不失期而舉得其宜故所收率倍常數○又湖之畜蠶者多自栽桑不則豫租別姓之桑俗曰秒葉凡蠶一斤用葉百六十斤秒者先期約用銀四錢旣收而償者約用五錢再加雜費五分蠶佳者用二十日辛苦收絲可售銀一兩餘爲縣爲線矢可糞田皆資民家切用此農桑爲國根本民之命脈也本地葉不足又販於桐鄉洞庭價隨時

高下倏忽懸絕諺云仙人難斷葉價故栽與秒最爲穩
當不者謂之看空頭蠶有天幸者往往趣之○沈氏農
書蠶房固宜邃密尤宜疏爽晴天北風切宜開窗牖以
通風日以舒鬱氣下用地板者最佳否則用蘆席墊鋪
使濕不上行四壁用草簣圍襯收潮溼大寒則重幃障
之別用火缸取火氣以解寒唯暴熱則外逼內蒸暑熱
無所歸則蠶身受之或體換不時喂飼略後受病之源
皆在於此○補農書蠶之生疾半在人半在天人之失
恆於惰惰則失飼而蠶飢飢則首亮失替而蠶熱熱則
體焦皆不稔之徵也天之患恆於風雨霧露卽烈日亦

有不宜以乾鮮之葉難得也蠶食熱葉則繭浮鬆不可
絲其害淺食溼葉則潰死食溼熱葉則僵死食霧露葉
則痿死葉染風沙則不食葉宿則不食而仍飢其害深
知戒人之失而不知備天之患未爲全策也○談鑰吳
興志湖絲雖徧天下而湖民身無一縷可慨○董蠡舟
南潯蠶桑樂府自序蠶事吾湖獨盛一郡之中尤以南
潯爲甲然護養之方早晚之候與夫器具名物禁忌稱
謂有與郡中不同者不特如秦少游所云覓地異於吳
中而已也

丁蟾哀蠶行白蒿繁時桑葉青吳下蠕蠕蠶子生獨

居少婦抱兒睡遙天不曙心魂驚采桑采桑幾勞頓
三浴三眠長積寸阿儂哺蠶勝哺兒以蠶爲命豈辭
困黃土牆邊幾本桑蠶桑立命給租糧阿夫栽時勤
灌溉阿儂采時不盈筐采桑一筐良不易哺蠶數塢
甯有濟蠶飢漸漸黑瘦多繞筐躑躅空泣涕鄰家摘
繭縑新絲阿儂蠶務竟如斯哺兒無心活無計懷中
之雛飢而啼兒幼長與儂相近儂貧長與蠶爲命今
年蠶荒難存活宛轉攜兒水中殉塵堆舊時紅錦機
夫歸嗚咽無故妻幼穉嬌兒復何處生難聚首死同
歸吁嗟胥吏猛於虎窮廬追呼逼門戶吳絲藉以充

官稅吳民蠶務多辛苦育蠶身殉悲難勝我聞爲作
哀蠶行長歎一聲出隴望桑葉黃落鳩哀鳴

紀松蠶婦怨出門采柔桑入門飼蠶忙桃花已落盡
夏景日漸長家家試新火戶戶早凝妝有郎不同宿
有酒不能嘗中宵頻起看攬衣獨徬徨吁嗟乎辛苦
倍更長初眠蠶在房再眠蠶在堂三眠蠶欲老纍纍
繭盈筐雖則繭盈筐焉得遂成章五日纍爲絲十日
織爲錦杼機夜雨寒刀尺秋風緊雙眼花雙手胼千
辛萬苦一絲絲來朝翦取攔街賣賣向花街游冶兒
游冶兒嬌且癡子無袴妻無衣楊柳隄邊楓橋月換

得紅顏一解頤

施國祁雜興佛祠可有社錢供香火頑僧性最慵蠶

事莫嫌無用處三更來打及時鐘

僧於蠶月入夜打鐘三次以警蠶婦

餉葉之候蠶畢率酬以絲

張鑑蠶詞種來女樹亞紅牆露葉煙條未滿筐知是

馬頭孃祭否應無打鼓洒桃漿○火速門攤徵大官

浴川風戾敢偷安祇將破袴憐夫壻難掩催租幾處

癥○父蛾母蛹暖房餘雪色吳王繭不如誰信輪蹏

日蕉萃郎騎秧馬妾縑車

栽桑

烏青文獻畜蠶之家先在栽桑其鬻之也於冬之

杪春之初遠近負而至大者株以二釐長八尺所謂大種桑也密眼青亞之其栽也耨地而糞之截其枝謂之嫁畱近本之條尺餘許深埋之出土也寸焉培而高之以泄水墨其瘕或覆以螺殼或塗以蠟而封之是防梅雨之所浸糞其周圍使其根四達若直灌其本則聾而死矣不可灌水灌以和水之糞二年而盛又必月一鉏焉其起翻也須尺許灌以純糞徧沃于桑之地使及于根之引者禁損其枝之奮者桑之下厥草不畱遇午日不可以鉏其摘也必潔淨遂剪焉必于交湊處空其榦焉則來年條滋而葉厚其壅也以糞以蠶沙以稻草之

灰以溝池之泥以肥土初春修去其枝之枯者樹之低
小者其壓也春初以長枝攀下濕土則條爛燥土壓之
則根生其接也仲春擇桑大如臂者約去地二三尺以
刀剔起樹皮取柔枝大如筋長一尺者削如馬耳插入
皮中卽以桑皮纏定糞土包縛令不泄氣卽活爲桑之
害也有桑牛尋其穴桐油抹之卽死○烏青鎮志釋桑
初種胥名桑秧其種也不外冬杪春中法貴稀縱橫各
七尺冬種者秧宜大清明前後種者宜細桑必接而後
大每以家桑枝接之不則爲野桑條桑貴剪初種剪其
餘獨剩根而糞之令其發生如是三年而後畱其幹採

葉後又翦其長條否則葉不暢茂其不翦者曰高桑翦而禿者曰鼓椎桑其修也擇根下細條或丫穡陰枝以及渺小不堪蔭下繁密者悉去之翦桑又或有前因礙鋸而未及盡截及老枝不成器者再芟之設遇癰桑卽墾去勿令纏染蓋桑癰無治法也歲於清明時糞其四圍謂之撮桑翦畢卽灌之謂之謝桑其刮蠟也自冬訖春檢瞭凡三猶不能淨盡須六月捏頭蠟七月捏二蠟而頭蠟又宜細察畱頭蠟一則二蠟百捉蛀亦須三次春分捉出屑蛀秋分捉條丫蛀翦桑後或九月又細捉之恐因捉損桑則用爆仗藥綫入蛀穴燒之蟲卽死立

夏後采桑買葉名葉市蠶有頭蠶二蠶故目葉曰頭葉
二葉云二葉須老農善採者畱其條爲來歲生葉之地
若頭葉則盡採乃已大約良地一畝可得葉千三四百
斤○書城雜著壓桑初芽時擇指大枝條旺相肥澤者
就馬蹏處劈下潤土內開溝尺許埋實自然生根布葉
壓後遇旱於旁開溝灌之但取水氣到忌多著水修桑
削其小枝則葉茂去其枯枝則不荒蠶事畢將枝髡去
但髡時不可留觔角及夏至開掘根下用糞或蠶沙培
壅則生意鬱積來年嫩枝之葉更覺茂盛且皮可製紙
枝可當柴兼有餘利

浴種滷種

董開榮育蠶要旨種有二一曰鹽種繭細而

堅

中有細頸名曰腰繩

一曰灰種繭大而鬆臘月十二日浴之鹽

用食鹽將種布置匾內鹽滲布上沒子爲度用濃茶一

碗候冷噴之令溼透放屋上及庭中經霜露七宿始收

下

如遇雨雪當早收

刷去其鹽灰用石灰每方尺許用糲子大

一塊盛於瓷盆滾水泡化待溫浸入點線香一枝香盡

漚乾放匾內令經嚴寒凝凍至醉司命日用蒸糲子湯

待溫將種浸入亦以線香爲度輕輕漚乾曬燥收藏鹽

灰二種並同

按是名滷種亦有用寒食日者

董蠶舟浴蠶

臘月取布種露置庭中一宿煎茶候冷浸之糲鹽或石灰於其上曰殺種至寒

食蒸粉資祀竈取蒸餘暖水采萋薑蠅豆等花共投其中浴之浴後晾乾日滄種是日市門神貼之又以石灰畫地爲弓弩形以祛祟鄭元慶湖錄謂清明食螺謂之挑青以設撒屋上謂之趕白虎亦以禳蠶祟吾鎮則隔歲招搖指星紀農事告登蠶事始盡攜布無之

種置中庭一宵露置冰霜裏取潤還須茗汁淹灑以蜃灰糝以鹽田家一例鉏非種先事全將醜類殲轉眼已過百五日老婦瓶盆羅滿室粉資祀竈爲祈蠶蒸來翠釜湯餘熱油盪豆莢花叢叢摘取一握投湯中挹湯滄種令沾漉更借茅檐薄日烘摒擋怱怱日過午何暇挑青禳白虎呼兒換卻舊門神還待布灰畫作弩

董恂滂種嘉平二七良日逢以水浴種當去冬今年

又到清明夜

俗呼寒食
爲清明夜

浴蠶例與殘年同門神競向

白板貼以灰畫地如彎弓祈禳白虎辟蠶祟欲趨其

吉先祛凶婦姑怵怵不得暇磨米作糲虔且恭蒸糲

水香滂布上采摘花片攪其中一年蠶計此初事能

愼厥始斯有終深閨努力促鍼黹拮据怵月無餘功

護種

育蠶要旨

清明後穀雨前用舊絮包種六七日再

將種放熱被內令得人氣漸漸溫暖其子變綠謂之戰

色俟全綠即可收蠶倘桑葉萌芽未曾暢茂天忽驟熱

宜將種放涼處使不戰色

董蠡舟護種

浴後包種紙貼胸前得暖卽活郡人以巾裏置熏籠上謂之打包亦吾鄉所無

深林曉聞布穀語屋角鳴鳩拂其羽微禽解報蠶候
臨剛是今朝逢穀雨穀雨已過蠶難藏城中戶戶打
包忙牀頭布種亟檢理護來趁此春宵長一層只隔
香羅帕莫自切勝傍熏籠取餘熱明晨生意定全蘇溫
磨氣借酥胸熨和服頻番掩復開嬌兒索乳數投懷
枕邊低喚教郎醒今夜憑君抱護來

董恂護種東風吹破桑眼青穀雨已近天氣晴囑郎
早詣日者室遴選吉日宜收成儂家蠶種已浴過須
令溫煥滋初生只愁夫婿正年少心熱無乃多薰蒸

不如阿翁齒衰邁微和微暖纔相應老人深夜醒尤
易那須少睡頻叮嚀況自阿翁護種後年年花稅多
豐盈他時酬神酒先貰任翁一醉翁無憎

貨錢 震澤鎮志蠶時貧者貸錢于富戶至蠶畢每千錢
償息百錢謂之加一錢

董蠶舟貸錢

農民養蠶乏貲貸于富家蠶畢貿絲以
債而息其什一富家實漁利而農民亦

賴以濟蠶事
故以爲便焉

盜中餘粟食已罄笥裏寒衣典無贖買

葉無錢餬口難何人肯乞

去聲

監河潤里中豪右富熏

天千鏹萬貫流如泉鑽核障簾鄙且慳今年廣放加
一錢貸錢一千息一百儘許阿儂徒手得傳別何須

合兩書責償毋許逾三月負歸兒女亦熙熙養蠶豈
復愁無資只期今歲還宜早料得明年借不辭子母
償清絲賣矣歸來依舊囊如洗青黃不接可奈何待
喫豪家轉斗米

四五月後春收已畢秋穫未至里語謂之青黃不接

董恂貸錢

加一錢率以夏至爲期過此必另起息名曰小利

清明已過將梅

夏邨農拚擋無休暇儲無儋石懸磬如安得餘錢計
桑柘趁墟走訪足穀翁人未登門氣先下已慣寅年
用卯年何妨潤向監河借他日甘心重利償薪炭今
時免賒貫豈料年來足穀翁慳貪心計尤狙詐較量
加一息尚輕竟使銅鉢到葉價先期買取奇貨居乾

沒還將厚利射

糊笈

趙棻遺聞瑣記鄉間婦女糊蠶笈

音大或借用蓬字亦作笈字

率用舊書敗卷云可辟邪字紙多遭汙損毀棄宜切戒
○烏青鎮志蠶之初生川篩置之烏滿則用蓬蓬必以
紙糊其縫兩眠出薶盛之用筐或用簞器之大者可以
容蠶之多也

紀官蠶紙歎文字厯災厄秦火未爲深六經已殘缺
復此汙穢侵吳興四月間蠶箔紙應禁嗟哉鄒魯書
竟爲蠶矢淋顧此心戚然習俗痛日沈何以挽斯風
放筆徒長吟

董蠡舟糊蓬

貯蠶之器見于湖錄者有筐篋飾蓬皆以竹爲之蓬以紙糊其孔如婦又剪紅

紙爲方勝黏其中且惑于二氏之說至乞其符籙貼之謂足以祛祟

曲植籩筐必先具

備豫由來是要務野人未熟攷工記善事詎知須利

器傳來矩矱自先民農家者流夙所遵蘆簾織就更

糊蓬買來側理銀光勻暖水手料和麥麪周圍方空

黏須徧糊成倚向夕陽烘一色光明如月容更憑摻

手剪方勝鏤盡一翻新喜紅

紙名

先貼中央後四角勝

裏香匳招百福要祈園客錫休祥免向羽流乞符籙

董恂糊蓬烏兒初收門未閉蠶具安排事非細先期

一一要檢點善事從來在利器已買桑籠更結蘆還

教糊蓬蓬晴霽兒夫昨日趁墟回買得光明紙如縐
更喜聰明小女娃翦紙成花作如意調就銀漿細意
糊但祝今年倍吉利去歲東鄰作道場僧家符籙多
真諦阿儂幸喜收藏來廿四分收定有冀